

B. 191.

37
41
51
59
56
55
61
71
81
91
101
111
121
131
141
151
161
171
181



Index opusculorum hoc volumine
comprehensorum

- 1) Mollerii animadversiones in scriptores aliquot historiae literariae recentioris
historico-criticae
- 2) J. H. a Seelen de Cimbroorum in republ. Lubec. et Ambrosius Lubeca-
rum in Cimbram mentis
- 3) Eiusd. Symmetria Libror. s. Librorum rariorum Index I.
- 39) X) Eiusd. Index II.
- 4) 5) Id. Henr. Lachmanni de codice Hagueniensi Adami Brom. differtatio
- 6) 6) Mich. Richey Polymachones sive memoriae divisionis exempla
- 50) X) Eiusd. Continuatio
- 51) 8) Eiusd. Continuatio altera
- 52) X) Eiusd. Continuatio tertia
- 6) 10) Mich. Richey de Gallorum quorundam de Germanorum ingenij iudicij
- 7) 11) Jo. Berch. Chenker de commentariis, quos Galli memores vocant
- 8) 12) J. G. Böhmii de Vite Beringii historia confidens Hagueniensi Anecdota literaria
- 9) 13) Christ. Gottl. Buder de Frider. III Sapiente Saxoniae Electore Historiarum Patrono
et propagatore
- 10) 14) J. G. Böhmii de studio et doctrinae publicae Historiarum in Academia Lipsica
Oratio
- 11) 15) Frd. Boemeri de vera Medicinae origine diatriba.
- 12) 16) Justini Schwegafsi commentatio de Aeneae Sylvi in Romanas literas mentis
- 13) 17) J. H. Felfii de Afanii Politionis Bibliotheca Romae publicata oratio
- 14) 18) C. W. Schneiderni commentatio de antiquo libello Mirabilia Romae inscripto
- 15) 19) Jo. Ad. Emrich de antiquitatibus Quinsum literariis
- 16) 20) Recensio boni prodomi Chronici Gotteri censur
- 17) 21) Vindiciae Harabergianae
- 18) 22) Jo. Ad. Hasmanni Paucyprius Jo. Frd. Lib-Bar de Stein dictus

- 19) ~~23~~ Memoria Jo. Matth. Gephneri auctore Jo. Christ. Richardo
- 20) ~~24~~ Elogium Jos. Mayari auctore A. G. Kästnero
- 21) ~~25~~ Elogium Jo. Ge. Roedereri auctore eodem
- 22) ~~26~~ Memoria Frid. Kofii Mathem. Prof. Kilon.
- 23) ~~27~~ C. A. Hennmanni Supplementa historiae literariae Göttingens.
- 24) ~~28~~ Jo. Frid. Rehkopf de Livicavi ensibus literarum orientaliu[m] studioru[m]
- 25) ~~29~~ Memoria Henr. Eilh. Schröderi auct. J. M. Gephner.
- 26) ~~30~~ De vite et morib. a Seelen
- 27) Henr. Borker de Lubecensium patria extra patriam.
- 28) Balth. Munker, Lubecensium apud exteros clarorum Decas I.
- 29) Jo. Henr. a Seelen Lubeca orientaliu[m].
- 30) " De Lubecensibus doctores theologiae dignitate conspicuis.
- 31) El. Mascew De magnificentia consulari in republica Lubeca.

9.

DE
FRIDERICO III. SAPIENTE
SAXONIAE ELECTORE
HISTORIARVM
PATRONO ET PROPAGATORE

DISSERIT
ET
AD AVDIENDAM
ORATIONEM
NOVI MVNERIS HISTORICI
AVSPICALEM
INVITAT
CHRISTIANVS GOTTLIEB BVDER
D. ET PP.
IENAE A. R. S. MDCCXXXI.

LITTERIS HORNIANIS.

ex dno
4VC 70



De
Friderico III. Saxoniae Electore
Historiarum
Patrono et Propagatore.



Ere ac sapienter de FRIDERICO III.
Sapiente Saxoniae Principe Electore,
PHILIPPVS MELANCHTHON summus
vir et praeclarus optimarum doctrina-
rum in Germania praeceptor, pro con-
cione commemoravit: * *Neminem Princi-
pum ingenia aut nouisse melius, aut aluisse
benignius.* Probarunt quoque cumula-
tas illas sapientissimi Principis laudes
boni omnes cum grata posteritate, quas olim *Friderico* tri-
buit

* *Oratione dicta in Funere Friderici Saxoniae Ducis, quae ex-
tat, cum in Declamationum Tomo II. a Johanne Richardio,
edito p. 663. 670. tum in Simonis Scharzii Oratorum lu-
gubrium, Tomo II. p. 144.*

buit in illustri Bononiensium Academia, ibidem eo tempore Nationis Germanicae Syndicus CHRISTOPHORVS SCHEURLIVS Norimbergensis, qui inter cetera praecognia † scribit: Princeps Fridericus, ut beatas efficeret suas civitates, ipse vero optime imperaret, adeo literario studio delectatur, adeo amoeniores literas complexus est, ut Germanorum Principum sine controversia eruditissimus habeatur. Inter alias vero doctrinas imperantibus utiles atque salutares amavit Historiam vitae magistram, Principum scholam. Peractis enim* negotiis, et constituta administratione Familiae aulicae, si quid temporis erat reliquum id tribuerat cognitioni Historiarum, quas non tantum voluptatis causa se legere dicebat, sed sumere inde multis de rebus communesactiones, earumque cognitionem non gubernatoribus solum, sed ceteris etiam hominibus omnibus necessariam esse, in quem usum sibi curaverat perscribi Eptomen Historiarum, in qua series erat omnium temporum et Monarchiarum, quam ita in conspectu habebat, ut in gravissimis deliberationibus, sepe inde exempla recitaret. Cum quibus enim amicis libentius confabuletur** cordatus et pius Princeps, qualis certe erat Fridericus,

quam

† Libello de laudibus Germaniae et Ducum Saxoniae, impresso primum Bononiae per Benedictum Heftoris, Bononiensem Bibliopolam MDVI. 4. cuius exemplum, Friderico Electori, cui Oratio est inscripta, a Scheurlio oblatum auroque et insignibus Saxonis ornatum, servat Bibliotheca Jenensis. Recusus Lipsiae 1508.

* Teste PHILIPPO MELANCHTHONE, qui rerum Friderici gnarissimus erat, auctore Orationis de Friderico Duce Saxoniae Electore, a D. Johanne Trutenbul, Jurisconsulto recitata, quae Declamationum Tomo II. cura Io. Richardii edito p. 724. extat, inde habet IOHANNES ROSINVS Vita Friderici Sapientis Lit. H.

** Verba sunt ERASMI ROTERODAMI decerpta, ex Epistola memorabili sane et plena bonae frugis, qua Friderico nostro et Georgio Patrueli, Suetonii Caesares dedicavit, scripta Antuerpiae Nonis Junii MDXVII.

quam cum iis, qui et semper praesto sunt et sapiunt plurimum et nihil loquuntur ad gratiam. Verum nullis ex libris, plus utilitatis capi possit, quam ex eorum monumentis, qui res publice privatimque gestas, bona fide posteris prodiderunt, praesertim si regalis philosophiae decretis imbutus huc accesserit. Ex bonae enim fidei scriptoribus, super alias innumeras, haec praecipue capitur utilitas, quod non alia res aequae vel bonorum Regum animos ad res cum laude gerendas accendit, vel tyrannorum cupiditates cobibet ac refrenat. Dum utrique cernunt, horum literis suam vitam omnem, mox in totius orbis, imo saeculorum omnium theatrum producendam; et, quidquid nunc vel in abdito patrant, vel adscito furo pratextunt, vel metu dissimulari cogunt verius quam ignorari, paulo post clarissima in luce sub oculis omnium traducendum; cum iam metu pariter ac spe libera posteritas, nec ullo corrupta studio, magno consensu recte factis applaudet, parique libertate bis diversa explodet, exhibilabitque. Haec Fridericus Elector, cogitavit antequam ad eum scriberet Erasmus, insignemque historicae lectionis utilitatem adgnovit. Sed non legendo tantum et meditando omnium saeculorum illustres res, sua commoda unice quaesivit, sed ad propagandam, renatam tum auspicate Historiae omnis culturam, magnum studium multamque operam, immortalis nominis cum fama, benigne contulit. Condita siquidem, illustri propter Albin Academia Vitembergensi, maximis Bibliothecam comparavit sumptibus, quae optimos rei historicae libros habet, e Monasteriis ditionis suae, Galliis et Italia conductos ac aere comparatos, quibus in summa bonorum eo aevo librorum caritate, docentium et discentium studia insigniter iuivit, atque ornauit. Meritis vero suis in historiam rem cumulos addidit Fridericus, quum, quo erat magno animo et consilio doctissimos homines voce, scriptisque benignissime literis, cum ad omnem patriae communis Germaniae, tum Saxoniae et maiorum suorum, genere ac summis in patriam beneficiis illustrium, Historiam percolendam, inuitaret et quasi concitaret. Quam prouidam curam et maxime memorabilem in bonas artes in primis Historias amorem, cognoscentes instaurores rei historicae, grauiissimi viri,

ad Fridericum nostrum, tanquam tutelare aliquod numen, certissimumque Patronum confugientes, scriptores ac commentarios omnis generis patrias et peregrinas historias illustrantes demisse reuerenterque obtulerunt, quos ad posteritatis memoriam, et tanquam monumenta Fridericianae virtutis marmore et aere perenniora seruat in thesauris suis *Bibliotheca Ienensis*, quae inter cimelia sua Libros *Friderici* Sapientis Electoris numerat, *Fridericumque* primum suum conditorem † agnoscit. Inter primos, qui *Fridericum* rei historicae Patronum coluerunt fuit CONRADVS CELTES Protucius, cui Fridericus III. Aug. *Friderici* nostri ductu et monitu, inter Germanos primo, literarum ornamenta et insignia ac imperialem laurum tribuerat. Hic Friderico Sapienti itineris sui literarii causam aperuit, * quae cura antiquos et nondum impressos codices, rerum maxime Germanicarum conquisiuerit, atque significauit communi huic literarum Patrono, flagrare se mira quadam historiarum Germanicarum vicinarumque gentium cupidine, ut si quos inueniret de regibus et imperatoribus nostris codices, aut illorum clare gesta aut dicta ab externis vel nostratiis literis mandata, illos in lucem edere, aut *Illustratae Germaniae*, quae in manibus esset, inserere apud animum constituisse. Cumque reperta quodam in Coenobio Ordinis S. Benedicti in vetustissimo Codice, Opera *Hrosuitae* illustris virginis et monialis Germanae, gente Saxonica ortae, Noribergae Electori ostendisset, ut imprimerentur iussit *Fridericus*, dato a Caesareo Senatu priuilegio, ne quis hanc et alia exemplaria impressa in decem annis post Celtem et Sodales suos in liberis et imperialibus urbibus imprimere auderet. Quam Editionem *Friderico*

in-

† Compara CHRISTIANI SCHLEGELII *Historiam Vitae Georgii Spalatini* primi Historici Saxonici, sub Praesidio *Casparis Sagittarii* expositam, *Jena* 1693. 4. S. IX. p. 20. 21. seq.

* Epistola dedicatoria *Hrosuitae* Operibus praemissa, dignissima quae legatur.

inscripsit † *Celtis* epistola plena laudum optimi Principis, ob amorem et merita in literas atque historiam. Verissime sane scribit Franciscus elegantissimus: *Tantus enim amor tuus in aeternas et immortales, ut ita dixerim literas et religionem Christianam est, ut facile omnes alios Germaniae Principes, multos etiam praesules ad quos literarum cura et patrocinium iure spectare deberet excellas et superes.* Aliisque praconiis interiectis subiungit: *Mirum tuum in literas studium est, nunc Poetas, nunc Oratores et Historiographos, iam Medicos et Theologos et Iurisperitos audis, legis, et te illis oblectaris.* *Celtis* exemplum secutus alter CONRADVS PEVTINGERVS ille, summus vir, qui *Guntberi* Poetae historici praestantissimi, *Ligurini de gestis Imp. Caesaris Friderici primi Librorum decem*, primam editionem, * quam Societatis literariae Augustanae nomine ornauerat Praefatione, ** sua manu Patrono huic historicorum obtulit, codicique haec adscripsit:

*Illustrissimo et summac frugalitatis Principi
Dn. Friderico Duci Saxoniae Sacri Ro Imp
Princ Electori Comiti Prouinc Turingiae
March Myssiae &c.*

Deuo-

† Impressam Norumbergae sub privilegio Societatis Celticae, a senatu rhomani Imperii impetrato Anno 1501. f. Seruat Bibliotheca Ducalis Jenensis Codicem horum Hrosvitae Operum, a Polychiana Societate Friderico Sapientia oblatum, cui a Sigismundo FAG. Vratislaviens. votum Decastichon et Distichon inscriptum. *Guolfgangus* quoque *Amidobatos* cum discipulis suis haec adiecit:

*Quem tibi donamus dux Federice serena
Fronte lege nostri non immemor usque libellum.*

* Factam per industrium et ingeniosum Magistrum *Erhardum Oeglin* civem Augustensem, Anno sesqui millesimo et septimo, mense Aprilio f.

** Conf. V. C. IOA. GEORGII LOTTERI doctissimam Epistolam qua de consilio suo publicis usibus evulgandi Opuscula *Conradi Peutingeri* exposite disseruit, adde ejusd. *Historiam vipsa* atque meritorum *Conradi Peutingeri* S. VIII. p. 53.

Deuotissimus
 Conradus Peutinger Augustanus
 Iuris utriusque Doctor

IOHANNES quoque REUCHLINVS. Phorcensis, illustris graecae et hebraicae literaturae instaurator, hunc nostrum *Fridericum* demisse ac publice coluit, quumque Vitam Constantini Magni ab Anonymo graece scriptam vertisset † harum deliciarum amantissimo Principi dedicauit, eundemque illustribus et veris laudibus ornauit, quas inter, ea est, ab historiarum cultu repetita. *Elegantiorum studiorum huic Germanico Mecoenati BEATVS RHENANVS Selestadiensis*, repertum in Murbacensi Bibliotheca *Vellejum Paterculum* * consecrauit culta Epistola, cum ante quatuor annos e *Georgii Spalatini* literis intellexisset, velle *Fridericum*, ut quaedam Historiarum fragmenta noviter reperta descripta mitteret, quo possent in Bibliotheca Electorali reponi, quam pararet insignem bonis auctoribus undecunque conuectis refertendam. Sed quis omnes libros enumeraret ab eruditis Viris Herculi huic Musagetae consecratos. Quanto studio et ardore omnis aevi, medii maxime monumenta, conquirenda curauerit, quae subsidia praeberent historicis constitutis, docet *Peutingeri ad Georgium Spalatinum* scripta epistola, cuius partem ** ommittere hoc loco non possumus, his verbis conceptam; *Petit illustrissimus Princeps noster, immo tuus, Vitas Caesarum Ottonum et Magni Filii, et Nepotum Luitolfi, Ottonis et Hermanni's item Gregorii V. Pont. maximi: diui item Caesaris Henrici Secundi et Coniugis eius*

† Formis impressus libellus *Tubingae* apud *Thomam Anselmum Badensem* mense Augusto Anno MDXIII. 4. Conf. Epistolam *Reuchlini ad Conradum Mutianum* inter *Mutianicas*, quas tanquam Supplementum *Historiae Gothanae* primum undique conquisitas, edidit *Wilhelmus Ernestus Tentzelius*, p. 20. Append.

* *Basileae*, in aedibus *Joannis Frobenii* 1520. f.

** Quam debemus *Historiae Conradi Peutingeri*, clarissimi Viri *Lotteri* p. 39.

eius Kunigundis Augusta, verum has et gesta eorum non accumulatum concinnata, sed undique sparsim collecta habeo et ultra auctores haecenus formis excusos, quorum veterum et recentiorum mihi magnus est numerus; mea diligentia et etiam non mediocri impensa exscribi mihi curavi Reginonem Abbatem Prumiensem, Ottonem Frisingensem, et Luitprandum Ticinensem Episcopos, apud quos Saxones illi tui, ut res fert, haberi solent; quorum etiam meminit Procopius de Gothico bello, Gregorius Turonensis Episcopus, et Atto in breuiario suo nuper e Gallia mihi transmissio. Habeo praeterea Pauli Diaconi Forouiliensis Varnfridi filii, rerum Longobardicarum Libros Sex; Iornandis item librum de bello Gothico, et alios plerosque, qui de Germanis Septentrionalibus, veris Nortmannis, plura perscripserunt. Haec omnia non sine impensa magna et tempore etiam longo, exscribi possent; nec enim commode eisdem (si modo non habes) ad te vel alios transmitteudos puto, thesaurum meum rerum Germanicarum, quem haecenus ab annis XX. collegi, quos se ob viarum pericula, vel aquarum molestiam amitterem, tota mea opera, ac quasi harum rerum gloria perderetur. Pauper, quid tunc agendum non satis perspicerem. - - Galfredus de rebus Britannicis ad te vadit, eo pacto ut redeat, quem velim remittas. Aliud quidem exemplar non habeo. Ex omni porro Germania Friderico historiae patrono transmissa praeclara subsidia, quum SPALATINO, primo Serenissimae Familiae Historico condendi Chronici Principum Saxoniae, * prouinciam tradidisset. Ornandae huius historiae, amplificandaeque Bibliothecae Electoralis causa Spalatini varios Bibliothecarum superioris Germaniae, Monasteriorum maxime, Catalogos conduxit, quos in Bibliotheca Jenensi curiose custodimus, testes conditionis rei literariae ac librariae, qualis illo aevo fuit. Utque fierent Spalatini labores historici pleniore ac perfectiore, ipse Elector ad grauem fide, auctoritate, et doctrina Historicum Iohannem Aventinum binas scripsit literas, ** primas dominica.

Esto

* Vidit primum lucem Wittebergae 1541. 4. insertum a FRIDERICO HORTLEDERO Operi de causis Belli Germanici L. IV. c. XXIII, p. 596.

** Eas Aventinus ipse edidit Augusta Vindelicorum Anno 1518.

Esto mihi, alteras d. II. Octobris Anni MDXIV. signatas, in quibus pro transmissis libris gratias agit, variasque doctissimo homini quaestiones historicas proponit, quas heic subiungere haud alienum erit, quum exinde clarissime pateat, quo animo in rem historica, quamque curiosus fuerit *Friedericus*, ita conceptas:

Verzeichniss, was man für Anzeigung von Herzog Ernst zu Beyern Zuchtmeister Magister Aventino begehren soll.

Der Teutschen rechten wahren Ursprung, ihre alte Nahmen und Gelegenheit auffskürtzte, mit Vermeldung wer solches schreibt.

Item, was die Teutschen lang vor Christi Geburt in Asia, Africa und Europa in Kriegen, und sonst trefliches gehandelt haben, sonderlich wer es schreibt, das die Teutschen dem Könige Dario wieder den grossen Alexander und dem Könige Mithridate wieder die Römer geholfen haben.

Item, die Anzeigung, das die von Asia nie kein Krieg ohne der Teutschen Hülff geführt haben.

Item, welche Teutschen Rom und der Römer Land überzogen und gewonnen haben.

Item, Anzeigung der grossen Niederlag unter dem Kayser Augusto an der Elb.

Item, wie der Schwaben Land geheissen ebe sie darcin kommen sind.

Item, Anzeigung der Gunst Keyser Arnolphi Franckreich von Teutschen Landen zutheilen.

Item, den rechten Ursprung der Beyern, und Unterricht wie sie Meylandt und andere Welsche Statt gebauet, und mit Keyser Iulio gekrieger haben.

Item, wie die Beyern von den Römern und Griechen genennet worden, wo die Beyern überall gewohnet haben, wie sie in ihr ietziges Land kommen seyn, und wer vor darinn gewohnet hat, aus briefflicher Urkündt.

B

Item,

mensis Augusto, teste summo Viro v. l. A SECKENDORF
Commentario de Lutheranismò L. I. Sect. XX. §. XLII. p. 57.
 Praemissae quoque Editioni Germanicae *Annalium Bojorum,*
 quam curavit *Nicolaus Cisnerus, Francofurti ad Menum*
 1580. f.

- Item, ein kurtzen Auszug aus dem Rheginone Abt zu Prim.*
*Item, ein kurtze Verzeichnuß der loblichen Geschicht in Kriegen und
 sonst der alten nachfolgenden Sachsen.*
*Item, Anzeigung mit welchen Römischen Keysern, bis auf die Zeit
 Theodosii Kinder, die Teutschen gekrieget haben, mit Vermeldung
 der Bücher in welchen solches stebet auffß kürtzeß.*
*Item, hiermit zu schicken die Bücher, in welchen aller Römischen Key-
 ser Teutscher Nation warhafftiges Leben beschrieben ist.*

Hac erudita Herois maximi curiositate motus, et obstu-
 pefactus veluti admiratione *Aventinus* Sapphicum in Frideri-
 cum carmen fecit ex quo paucula decerpere liceat:

Principem nullum similem sub orbe

Esse Romano videas, recondit

*Nobiles magno pretio coemptos
 undique libros*

Ordinat longa serie parentes

Quin et Heroas prius obsoletos

*Eripit stagnis Acherontis atrii
 Donat et acuo*

Cum insigni aevi Fridericiani historico IOHANNES
 TRITHEMIO Abbate tum Monasterii S. Jacobi in civitate
 Herbipolensi, per *Conradum Mutianum*. * Canonicum Gotha-
 num, cui summe fauebat Elector, et *Henricum de Bunauue* dili-
 genter egit, uti consummaret historiam de *gestis Saxonum*,
 quam *Adam de Fulda* ** olim inchoarat, sed morte praeuen-
 tus non compleuerat. Nec alienum ab opere utilissimo ani-
 mum exaratis *** ad Electorem, quem serenissimum et invi-
 ctissimum

* Quanto studio incrementa doctrinarum curauerit *Mutianus* ex
 Epistolis ad doctissimos homines scriptis et ad hunc literarum
 Patronum datis patet, quas inter variae *Friderici* Sapientis sunt,
 non nisi bonarum artium amorem spirantes.

** Qui Seculo XV. vixit, vid. V. C. IOHANNIS FRIDERICI
 SCHANNAT *Historiam Fuldensem* P. I. p. 58.

*** Quod discimus ex Epistola TRITHEMII VI. die mensis Novem-
 bris An. 1506. scripta, quæ *Epistolarum Familiarum*, per Ja-

ctissimum appellat, literis declarauit Trichemius, paratumque se scribit: *quia prae multis Fridericum dignum laude principem omnium ore hominum cognouerit, quippe qui sapientia maximamque rerum scientia et in viros doctos fauore parem habeat neminem.*

Plura dare possem studii et fauoris *Friderici* Sapientis, quem et hostes salutem Patriae nominant, nos Literarum Patrem dicimus, in rem historicam illustra argumenta, si talem expositionem institui ratio permetteret. Exemplum Reipublicae rerumque Germanicarum Adsertoris, quale *Friderico* elogium *Auentinus* tribuit, imitandum laudabiliter censuerunt, qui hereditario iure cum prouinciis et summis dignitatibus amore in bonas literas accepere *SERENISSIMI SAXONIAE ELECTORES, AC DVCES ERNESTINAE PROSAPIAE IOHANNES Conslans, IOHANNES FRIDERICVS Magnanimus, Filii*que cum religiosissimo Parente Academiae Salanae munificentissimi Conditores, *IOHANNES FRIDERICVS Medius, IOHANNES VVILHELMVS* atque *IOHANNES FRIDERICVS Iunior,* horumque *GLORIOSISSIMI SVCCESORES,* qui non in *Jenensi* solum *Academia* doctos et tradendis curate prudenterque doctis historicis aptos Viros aluerunt, sed constitutus *Historicis,* Gentis Saxonicae Serenissimae res gestas omni memoria dignissimas perscribendas curarunt. Quorum vestigia impari licet gressu, quum premere nuper iussus fuerim *Muneri docendi publice Historias* in florentissima *Jenensi* Vniuersitate clementissima voluntate *SERENISSIMORVM SAXONIAE ERNESTINAE DVCVVM,* Conferuatorum nostrorum benignissimorum, haud ita pridem admotus, more maiorum, DEO auspice noui officii primordia facturus, *de felici instauratione studii Historiarum, Germanicae ma-*

cobum Spigelium, Haganoæ ex officina Petri Brubachii 1536. 4. editarum L. II. p. 208. extat, et Tomo II. Operum Historicorum *Trithemii,* ex Bibliotheca *Freberi* f. 518. Quæ Epistola docet illustrem Virum *Henricum de Bünaui,* librorum vel in graui morbo fuisse lectorem.

12 DE FRIDERICO III. SAX. ELECT. HISTORIARVM PATRONO.

xime, Friderico III. et Maximiliano I. AA. imperantibus Oratio-
ne breui d. IV. Junii exponere apud animum constitui.
Quam concionem ut Vos **MAGNIFICE ACADEMIAE**
PRORECTOR, ILLUSTRISSIMI VIII. S. R. I.
COMITES, AVLAE ET ACADEMIAE PRO-
CERES GRAVISSIMI, SACRORVM ADMINI-
STRI VENERABILES, VOS denique GE-
NEROSISSIMI ET NOBILISSIMI ACADEMIAE
CIVES, frequentia Vestra illustriorem facere dignemi-
ni, ea qua par est summa veneratione et obseruantia ro-
go. P. P. in Academia Jenensi d. III. Junii
A. R. S. MDCCXXXI.



Nr 113.
8 80



M. L.





Inches 1 2 3 4 5 6 7 8 9 10 11 12 13 14 15 16 17 18 19 8
Centimetres

Farbkarte #13

B.I.G.

Blue

Cyan

Green

Yellow

Red

Magenta

White

3/Color

Black

9.
DE
O III. SAPIENTE
IAE ELECTORE
TORIARVM
ET PROPAGATORE

DISSERIT
ET
D AVDIENDAM
ATIONEM
YNERIS HISTORICI
AVSPICALEM
INVITAT
VS GOTTLIEB BVDER
D. ET PP.
E A. R. S. MDCCXXXI.

ERIS HORNIANIS.

ex
4VC